

金石萃編

第一函
五冊

鄭子知
藏

PDG

金石萃編卷二十九

賜進士出身 誥授光祿大夫刑部右侍郎加七級王和謨

北魏三

高植墓誌

石高三尺四寸廣二尺三寸五分二十一
行行二十八字正書今在德州田氏家

魏故濟青相涼朔恒六州刺史

君諱植字子建勃海蓀人也
闕下茂烈皆備之國藉家傳

不復更錄
闕下不幸君口靈原之
闕下者顧暘
闕下求口道於

口衿始此
闕下宣武皇
闕下皇帝已
闕下衛
闕下理況
闕下絕口

之下
闕下我以口方約我以
闕下心始口
詐之輩
闕下君在
闕下

神灑然

闕下

泉

闕下

至德口虛糜

闕下

名山口衢

闕下

龍飛鳳舞

闕下 賔子

闕下

豪痛彼蒼

者天壘此明公奠矣哲人惟義是依每見我君終始許

師

大魏神龜

闕下

按景州城東十八里有村名六屯本蔭地割屬惠州

河岸雨坼得一石土人取之置野寺中字跡殘闕什

不存一矣石形高橫三尺厚五寸四面徧書上云諱

植字子建魏濟南刺史末注神龜元年蓋北魏高植

之墓石也考魏書外戚傳高肇之子植自中書侍郎

爲濟州刺史率州軍討破元愉別將有功當蒙封賞
不受云家荷重恩爲國致効是其常節何足以膺進
陟之報懇惻發於至誠歷青相朔恒四州刺史清能

著稱

曰雲長河
志籍考

植父肇之妹卽植嫡姑爲高祖孝文帝后號文昭皇
后生世宗而世宗宣武帝之后高氏卽文昭弟偃之
女世爲后族文中國籍家傳及宣武皇帝字皆叙其
家世之貴盛史於植之父肇刺譏不遺餘力而植傳
則云當時號爲良刺史此碑所以有夔矣哲人云云
也石於康熙間掘得歸曰雲綸霞作長歌紀之云洵

洗摩挲按石尾。下紀年月稱神龜。渤海修人父名肇。
北魏高氏從可知云云。今更剝蝕神龜年號及父名
肇字亦無存矣。編 蛾術

右碑載田侍郎雯長河志籍考文二十一行字徑六
分多漫漶僅辨百數十字。左右直線一行外刻銘辭
末行紀年存大魏神龜四字此碑存者字體精整鋒
穎猶新爲顏魯公所祖洵可珍也。山左金石志

按此碑從德州田氏家藏殘石搨出碑中一穿徑
八寸許而不圓似經後人鑿損者餘未損處亦多
磨泐左空處有龍飛鳳舞四字筆畫字體迥與木

碑不同、文義不相聯屬、疑是後人妄刻、末行有大
魏神龜年歲次等字、僅存左邊數筆、神龜下一字
全泐、歲次下微存左旁、按魏孝明帝神龜元年
二年是戊戌已亥、文不類戊已、惟三年庚子之
庚字庶幾近之、是年七月改元正光、然則此碑立
於神龜三年七月以前也、碑中字可辨者、首行云
魏故濟青相涼朔恒六州刺史、魏書高肇傳稱子
植自中書侍郎爲濟州刺史、歷青和朔恒四州、頻
蒞五州、皆清能著稱、卒贈安北將軍冀州刺史、今
以碑攷之、實爲六州刺史、傳失載涼州、而碑但未

金石錄卷二十九
見有贈官冀州耳次行云君諱植字子建勃海蓀
人也勃與渤蓀與蓭皆通用字蓭魏書地形志作
脩高肇傳稱渤海蓭人正與碑同下有宣武皇帝
皇帝字卽謂北魏世宗及肅宗明帝也此碑賴有
此數處能辨定爲高植碑否則未有不誤認爲陳
思王也

司馬昞墓誌銘

碑高二尺一寸五分廣二尺三寸五分共十八行每行一十七字正書今在孟縣某氏家

魏故持節左將軍平州刺史宜陽子司馬使君墓誌銘
君諱昞字景和河內溫人也晉武帝之八世孫淮南王

播之曾孫魏平北將軍固州鎮大將魚陽郡宜陽子興
之子先室亡離宗驪介否乃祖歸國賞以今爵并世承
華休榮弥著君有拔羣之奇挺世之用神風魁崖機悟
高絕少被朝命爲奉朝請牧王主簿員外散騎侍郎給
事中從驪驤府上佐遷揚州車騎大將軍府長史帶梁
郡太守在邊有暉略之稱轉授清河內史此郡名重特
以人舉不幸遇疾以正光元年七月廿五日薨於河內
城朝廷追美詔贈持節左將軍平州刺史非至行感時
熟能若此以庚子之年元枹之月廿六日丙申塋於本
鄉溫城西十五都鄉孝義之里刊石誌文而爲辭曰

金石錄卷二十九
君侯烈烈玉搢金聲高風愕愕屢歷徽榮奄然辭仕沒
有餘馨鐫茲泉石用銘休貞

右司馬景和墓誌銘石已亡緣初在張大士家時有
以聞於邑令周名洵者取至署中驗視以其古物遂
於罷任時攜去張聞之追至洛陽不得而反今極意
訪求始從搨本得其文如右按魏書云景和給事中
稍遷揚州驃騎府長史清河內史正光元年卒贈左
將軍平州刺史而此誌有爲奉朝請主簿員外郎散
騎侍郎及帶梁郡太守並宜陽子及卒後贈官之文
蓋史畧而誌詳又史稱景和似是其名而誌則云諱

晒字景和亦足正史書之誤唯其所云晉武帝八世
係者頗似與史不合按魏書司馬叔璠傳云叔璠晉
安平獻王孚之後孚字叔達景和爲叔璠曾孫則自
出於安平王孚之後而晉武帝則出於司馬宣王仲
達之後今云景和爲晉武帝八世孫是與史異也又
誌所稱宜陽子興卽前誌司馬元興名紹者又其云
淮南王播卽前誌所云諡曰簡公叔璠者前誌與史
傳相應而此誌名字脫誤皆追書者之過矣然其文
頗高簡有法而書跡尤超妙入神當爲傳世魏碑第
一此石爲周令移去徧尋不獲乃重摹入石置於縣

學云 又按司馬景和墓誌筆跡與其父元興誌當
是一人所書蓋二誌中書體如散作散奕作奕相似
者不一可覆按而知也 又按此誌蓋與其妻之誌
同在藥師村監生李洵家迺洵又從張購得亦自知
愛惜蓋但有墓誌銘三字正書或謂蓋卽其妻之誌
之蓋此揭來審觀之則此蓋與司馬景和誌石皆橫
長橫書相合若其妻之誌石稍小而又直長一直書
一橫書殊不相合矣且墓誌銘三字大徑寸餘與司
馬景和誌目末三字筆勢正同信爲司馬景和誌之
蓋也是則原蓋得重摹誌石而見全文而重摹誌石

得原本以互證筆意雖謂原誌仍存可也

孟縣志

文稱君諱昞字景和河內溫人也本傳但書景和蓋以字行者說文無昞字新附亦無此人旣以爲名而唐高祖之父亦名昞蓋南北朝俗字徧天下矣觀此人字景和則知當日解爲和意晉書宣帝紀諱懿字仲達河內溫縣孝敬里人姓司馬氏故此亦云河內溫人碑又云晉武帝八世孫淮南王播曾孫魚陽郡宜陽子興之子攷本傳景和乃叔璠曾孫道壽之孫元興之子卒贈左將軍平州刺史今此碑標題書其追贈之官世襲之爵而于生前所歷未嘗一及且曾

祖則播與潘相涉父則興與元興相涉皆未詳

蛾術編

司馬景和見魏書云元興子景和給事中稍遷揚州
驃騎府長史清河內史正光元年卒贈左將軍平州
刺史證之誌文題首云魏故持節左將軍平州刺史
宜陽子與史言贈官合又誌文載少被朝命爲奉朝
請牧王主簿員外散騎侍郎給事中從龍驤府上佐
遷揚州車騎大將軍府長史帶梁邵太守轉授清河
內史今史惟叙其爲給事中爲長史爲內史至所言
遷揚州驃騎府與誌稱車騎者不符凡史家之疎皆
此類也誌稱君諱昶字景和晉武帝之八世孫淮南

王播之曾孫魏平北將軍固州鎮大將魚陽郡宜陽
子興之子播卽叔璠興卽元興而名字獨用截裁又
歷叙曾祖及父獨于祖缺不錄未解臨文者何所謂
也景和諱昶史亦失錄與元興同葬在溫城西之五
都鄉孝義之里亦古鄉里名可徵者爲圖經所宜收
也別體字璠作播漁作魚休作休龍驤作驪驤邊作
邊偉作暉往往作住

授堂金石跋

按魏書司馬叔璠傳叔璠長子靈壽神麋中與弟
道壽俱來歸國道壽寧朔將軍宜陽子長子元興
襲父爵据此則景和之祖乃道壽也傳不書景和

襲爵并不載景和之子何人此碑及前景和妻碑並題宜陽子可以補史之疎至景和有五男三女見前妻碑但不詳其名此碑並男女之數亦略之文簡如此所宜合兩碑參觀而得其全也碑不書景和年若干考景和妻薨時春秋卅有二先景和八年薨則景和之年約五十矣景和妻以延昌二年六月薨粵三年正月葬於溫城之西此碑稱景和以正光元年七月薨以庚子之年元枵之月葬於溫城西庚子歲卽正光元年是距其妻之葬者五年元枵者左傳杜注元枵虛也爾雅虛星子位

之次則是葬以十一月也前碑稱葬於溫城之西
此碑稱葬於溫城西十五都鄉孝義里想卽同在
一墓地而不必如後世之分葬合葬詳晰言之耳
晉書宣帝紀稱河內溫縣孝敬里人此云葬于溫
城孝義里孝義想卽孝敬今昔異名也

張猛龍清頌碑

碑連額高八尺四寸廣三尺七寸二十
六行行四十六字並正書在曲阜孔廟

魏魯郡太守張府君清頌之碑

口諱猛龍字神回南陽白水人也其氏挨分興源流所
出故已備詳世錄不復具載口口口盛口鬱於帝皇

之始德星□□曜像於朱鳥之間淵元万瑩之中崦巖
千峯之上奕葉清高煥乎篇牘矣周宣時□□仲詩
人詠其孝友光緇姬口中興是賴晉大夫張先春秋嘉
其聲績漢初趙景王張耳浮沉秦漢之間終跨列土之
賞□□世□君其後也魏明帝景初中西中郎將使持
節平西將軍涼州刺史瓌之十世孫八世祖軌晉惠帝
永口中使持節安西將軍護羌校尉涼州□史西平公
七世祖素軌之第三子晉明帝大寧中臨羌都尉平西
將軍西海晉昌金城武威四郡太守遂家武威高祖鍾
□涼州武宣王大沮湫時建威將軍武威太守曾祖璋